

# GRAAD 1 ALLEENLIK MOET VOLTOOI

## SIFTINGSPROGRAM

### TOESTEMMING OM SIFTINGSTOETSE TE ONDERGAAN

(U rekening sal met 'n bedrag van R60,00, per toets wat u kind ondergaan, gedebiteer word.)

1. **Visueletoets (Gratis)**
2. **Gehoortoets**
3. **Spraak-, Taal- en Ouditiewe Prosesserings Siftingstoetse**  
(Die klasopvoeder, sal indien nodig, hierdie toets aanbeveel.)

Naam van Ouer(s), Voog: .....

Naam van Kind: .....

Het u kind voorheen 'n visuele toets ondergaan? .....

Indien wel, waar en wanneer is u kind geëvalueer? .....

Is u kind se gehoorvermoëns voorheen geëvalueer? .....

Indien wel, wanneer en deur wie? .....

Het u kind voorheen spraakterapie ontvang? .....

Indien wel, deur wie? .....

Wat is u kind se spraak probleem? .....

Ontvang u kind tans spraakterapie? .....

Ek, ....., gee toestemming dat my kind, .....,  
die bogenoemde siftingstoetse ondergaan.

Geteken: .....

Datum: .....

## SIFTINGSPROGRAM - SPRAAKTERAPIE

---

Geagte Ouers

### Waarom moet 'n siftingstoets uitgevoer word?

Dit is 'n erkende feit dat vroeë intervensie 'n beter prognose vir herstel aandui. Hoe gouer 'n probleem geïdentifiseer word, hoe vinniger kan dit aangespreek en opgelos word.

Daar word twee siftings prosedures vir Gehoor-, Spraak- en Taalontwikkeling by die skool, aan graad 1 leerders gebied. Die koste hiervan beloop R60,00 per toets.

1. Gehoorsifting
2. Sifting van Spraak/Taalvermoëns (reseptief en ekspressief) asook Ouditiewe Prosseringsvermoëns.

Wat behels die Gehoorsiftingstoets:

Die toets duur ongeveer 10 - 15 minute. Daar word gebruik gemaak van 'n draagbare oudiometer met oorfone. Elke kind word individueel getoets. Die kind moet aandui of hy/sy die reeks klanke hoor. Die toets word uitgevoer in 'n baie stil kamer, dit is egter nie 'n klankdigte omgewing nie.

Indien u kind goed vaar in die gehoorsiftings toets, sal u 'n brief ontvang met die betrokke inligting. Geen verdere behandeling sal nodig wees nie.

### Wat gebeur indien u kind swak presteer in die siftingstoets?

Indien u kind nie goed vaar in die gehoorsiftings toets nie, sal ek u skriftelik in kennis stel. Verdere toetsing in 'n klankdigte kamer sal dan aanbeveel word.

### Wat behels die Spraak/Taal en Ouditiewe Prosseringstoets?

Hierdie toets duur ongeveer 25 - 30 minute en elke kind word individueel getoets. Die leerder word deur die opvoeder verwys indien sy dit nodig mag vind.

Die resultate van die siftingstoets sal dan met u kind se opvoeder bespreek word. Indien u kind goed vaar in die bogenoemde siftingstoets, sal u 'n brief ontvang met die resultate. Indien u kind nie goed vaar nie en 'n leemte in een of meer van die aspekte van ontwikkeling toon, sal u 'n brief ontvang, waarin 'n onderhoud met u aangevra word. Die konsultasie duur ongeveer 30 minute, die koste daarvan beloop R60,00. Die resultate sal dan bespreek word en sekere aanbevelings sal gemaak word.

---

### 'N VOLLEDIGE EVALUASIE VAN SPRAAK/TAALVERMOËNS EN OUDITIEWE PROSSERINGSVERMOËNS:

Indien u bekommerd is oor u kind se spraak- en taalvermoëns, en u kind se opvoeder 'n onvermoë aandui, kan 'n volledige evaluasie uitgevoer word. Daar sal dan van u verwag word om 'n vorm te onderteken, waarin toestemming verleen word vir bogenoemde evaluasie.

Spraakterapie fooie kan van die mediese fonds geëis word. Kontak my gerus indien u enige verdere inligting verlang.

Vriendelike groete

Helen Kempton-Jones  
Spraakterapeut/Oudioloog

Geagte Ouers

## **VISUELE SIFTINGSTOETS**

U kind en sy/haar vordering is vir ons van groot belang. Leerders onderpresteer dikwels as gevolg van leemtes in visuele vaardighede. Al die Graad 1 leerders gaan 'n visuele/gesigsskerpte-siftingstoets ondergaan. Hierdie toetse word deur gespesialiseerde oogkundiges, Johannes van der Meer, gedoen. Dit word aanbeveel dat u kind jaarliks 'n oogsiftingstoets ondergaan.

Die volgende aspekte sal aandag geniet:

- \* Visie in een of beide oë
- \* Beheer oor oogbewegings
- \* Konvergensie probleme
- \* Diepte persepsie
- \* Rooi/Groen kleurafwyking

Indien enige probleme geïdentifiseer word, sal u 'n verslag ontvang en aanbevelings sal gedoen word. Johannes van der Meer lewer hierdie diens gratis aan ons skool.

Ons maak staat op u samewerking in die belang van u kind.

Vriendelike Groete

S. R. Smith (Mev.)  
Skoolhoof

K. E. Grace (Mev.)  
Hoof: Grondslagfase